



**ԻՐԱՆԻ ԻՍԼԱՄԱԿԱՆ  
ՀԱՆՐԱՊԵՏՈՒԹՅՈՒՆ ՆԵՐՄՈՒԾՄԱՆ  
ՎԵՐԱԲԵՐՅԱԼ ԱՄՓՈՓ ՏԵՂԵԿԱԳԻՐ**

# ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅՈՒՆ



Իրանի Իսլամական Հանրապետությունն ունի արտոնյալ առևտրի համաձայնագրեր մի շարք երկրների հետ՝

## **Իրանի Իսլամական Հանրապետության և Թուրքիայի միջև**

Այս համաձայնագիրը ստորագրվել է 2014 թվականի հունվարի 29-ին: Ըստ այդ համաձայնագրի՝ կողմերը փոխանակել են այն սակագնային դիրքերը, որոնց վերաբերյալ նրանք գնացել են փոխզիջումների: Իրանի Իսլամական Հանրապետությունը ներառել է 60 ապրանքատեսակ /125 սակագնային դիրքեր՝ հիմնված ութանիշ դասակարգման/:

## **Իրանի Իսլամական Հանրապետության և Պակիստանի միջև**

Այս համաձայնագիրը ստորագրվել է 2006 թվականին: Ըստ այդ համաձայնագրի՝ Իրանի Իսլամական Հանրապետությունը Պակիստանին արտոնություններ է տրամադրել 309 սակագնային դիրքերի մասով /6-նիշ դասակարգման/:

## **Իրանի Իսլամական Հանրապետության և Թունիսի միջև**

Այս համաձայնագիրը ստորագրվել է 2007 թվականին: Ըստ այդ համաձայնագրի՝ Իրանի Իսլամական Հանրապետությունը Թունիսին արտոնություններ է տրամադրել 268 սակագնային դիրքերի մասով /8-նիշ դասակարգման/:

## **Իրանի Իսլամական Հանրապետության և Կուբայի միջև**

Այս համաձայնագիրը ստորագրվել է 2008 թվականին: Ըստ այդ համաձայնագրի՝ Իրանի Իսլամական Հանրապետությունը Կուբային արտոնություններ է տրամադրել 44 սակագնային դիրքերի մասով /8-նիշ դասակարգման/:

## **Իրանի Իսլամական Հանրապետության և Սիրիայի միջև**

Այս համաձայնագիրը ստորագրվել է 2008 թվականին: Ըստ այդ համաձայնագրի՝ Իրանի Իսլամական Հանրապետությունը առանձնացրել է 88 սակագնային դիրքեր, որոնց մասով զիջումներ չեն կատարվել:

## **Իրանի Իսլամական Հանրապետության և Բոսնիա և Հերցեգովինայի միջև**

Այս համաձայնագիրը ստորագրվել է 2009 թվականին: Ըստ այդ համաձայնագրի՝ Իրանի Իսլամական Հանրապետությունը Բոսնիային արտոնություններ է տրամադրել 170 սակագնային դիրքերի մասով /6-նիշ դասակարգման/:

**Իրանի Իսլամական Հանրապետություն ունի արտոնյալ համաձայնագրեր նաև Իսլամական ութնյակի /Բանգլադեշ, Եգիպտոս, Ինդոնեզիա, Մալազիա, Նիգերիա, Պակիստան, Թուրքիա/, ինչպես նաև Ուզբեկստանի Հանրապետության հետ:**


**!** Իրանի Իսլամական Հանրապետություն սննդամթերք արտահանելիս անհրաժեշտ է ԻԻՀ-ում ունենալ պաշտոնական ներկայացուցիչ, որը կներկայացնի տվյալ արտադրանքը:

Ներկայացուցիչը յուրաքանչյուր ապրանքատեսակի համար լրացնում է PMF (Product Manufacturing Facility) Ֆայլը, որտեղ նշվում է արտադրանքի մասին մանրամասն տեղեկատվություն: Նշված փաստաթուղթը լրացնելուց հետո, ապրանքի ներմուծման ամբողջ փաթեթը ԻԻՀ-ի կողմից լիցենզավորված տեխնիկական փորձագետի միջոցով ներկայացվում է ԻԻՀ-ի առևտրի և առողջապահության նախարարությանը՝ տվյալ ապրանքի ԻԻՀ ներմուծման թույլտվություն ստանալու համար: Կենդանական ծագում ունեցող արտադրանքը Իրան ներմուծելու ժամանակ պահանջվում է նաև «Հալալ» սննդամթերքի գրասենյակի կողմից տրամադրվող սերտիֆիկատ, իսկ արդյունաբերական արտադրանքի համար պահանջվում է Ստանդարտների ազգային կենտրոնի կողմից տրամադրվող սերտիֆիկատ:

**!** Կարևոր է նշել, որ միջազգային առևտրի զարգացման «Համաշխարհային հալալ» կազմակերպությունն արդեն Հայաստանում է: Միջազգային տնտեսության մեջ իր տեղը գտած և տարեկան շուրջ երկու հազար միլիարդ դոլար սննդամթերքի առևտրի ծավալներ ունեցող «Հալալ» կազմակերպության սերտիֆիկացումն արդեն հասանելի է հայ տնտեսավարողներին հենց Հայաստանում:


Հարկ է նշել, որ սննդամթերք ներմուծելու իրավունք ստացած ընկերությունները 3 տարվա ընթացքում առնվազն 1 անգամ ենթարկվում են իրանական կողմից անցկացվող աուդիտին /CMP/:

Յուրաքանչյուր արտադրանքի տեսակի համար արտահանող կողմը պետք է վճարի ֆիքսված գումար:

 Իրանի Իսլամական Հանրապետության ներմուծման և արտահանման, ինչպես նաև մաքսային ձևակերպումների մասին ընդհանուր տեղեկությանը կարող եք ծանոթանալ այստեղ՝


<http://open-iran.com/wp-content/uploads/2017/08/Guide-to-Import-Export.pdf>

*[Ներմուծման, արտահանման և մաքսային ձևակերպումների ուղեցույց]*

 Իրանի Իսլամական Հանրապետություն Երրորդ երկրներից ներմուծման ժամանակ գործող մաքսատուրքերը ներկայացված են հետևյալ հղումով՝

<http://eng.tpo.ir/index.aspx?siteid=5&fkeyid=&siteid=5&pageid=24256>

*[Իրանի առևտրի խթանման կազմերություն]*

 Հայաստանը, լինելով ԵԱՏՄ անդամ, ունենալով առևտրի արտոնյալ ռեժիմ ԵՄ հետ և ընդհանուր սահման ԻԻՀ հետ, ունենալով միջազգային վարկանիշներով հաստատված գրավիչ ներդրումային և գործարար միջավայր, ԻԻՀ հետ ունենալով սահմանակից ազատ տնտեսական գոտի՝ կարող է լուրջ հետաքրքրություն ներկայացնել Հայաստանում արտահանման կողմնորոշում ունեցող արտադրություն կազմակերպելու, Հայաստանի աշխարհագրական դիրքով պայմանավորված առևտրային և լոգիստիկ հնարավորություններն օգտագործելու համար:

Հարկ է նշել նաև, որ հայկական «Մեդրի» և իրանական «Արաս» ազատ տնտեսական գոտիների գործակցությունը և հայ-իրանական արտահանման-ներմուծման համատեղ ընկերության ստեղծումը կարող է երկկողմ տնտեսական հարաբերություններն որակապես նոր մակարդակի բարձրացնել:



## ՀԱՄԱՌՈՏ ՏԵՂԵԿԱՏՎՈՒԹՅՈՒՆ ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԻՋԵՎ ԱՌԵՎՏՐԱՇՐՋԱՆԱՌՈՒԹՅԱՆ ՎԵՐԱԲԵՐՅԱԼ

Հայաստանի Հանրապետության առևտրաշրջանառությունը Իրանի Իսլամական Հանրապետության հետ 2016 թվականին կազմել է 238.8 մլն. ԱՄՆ դոլար, ինչը նախորդ տարվա նույն ժամանակահատվածի համեմատ նվազել է 14.7%-ով (2015 թվականին կազմել է 280.1 մլն.ԱՄՆ դոլար): 2016 թվականին արտահանումը Հայաստանի Հանրապետությունից Իրանի Իսլամական Հանրապետություն կազմել է 74.8 մլն ԱՄՆ դոլար, ինչը նախորդ տարի նույն ժամանակահատվածի համեմատ նվազել է 8.4%-ով (2015 թվականին կազմել է 81.7 մլն.ԱՄՆ դոլար): 2016 թվականին Իրանի Իսլամական Հանրապետությունից Հայաստանի Հանրապետություն ներմուծումը, ըստ ծագման երկրի հատկանիշի, կազմել է 164.0 մլն.ԱՄՆ դոլար, ինչը նախորդ տարվա նույն ժամանակահատվածի համեմատ նվազել է 17.3%-ով (2015 թվականին կազմել է 198.3 մլն.ԱՄՆ դոլար), ըստ առևտուր անող երկրի հատկանիշի ներմուծումը կազմել է 151.1 մլն.ԱՄՆ դոլար, ինչը նախորդ տարվա նույն ժամանակահատվածի համեմատ նվազել է 17.2%-ով (2015 թվականին կազմել է 182.4 մլն.ԱՄՆ դոլար):

Անհրաժեշտ է նաև նշել, որ Իրանի Իսլամական Հանրապետությունը Հայաստանի Հանրապետության արտաքին առևտրի հիմնական գործընկերների ցանկում 2016 թվականի դրությամբ զբաղեցրել է 5-րդ տեղը:

2016 թվականին Հայաստանի Հանրապետությունից Իրանի Իսլամական Հանրապետություն արտահանված առավելագույն մաքսային արժեք ունեցող ապրանքներն են.

- **Էլեկտրաէներգիա**
- **Ոչխարի կամ այծի միս**

- Անտառանյութ
- Այլումինե թափոն և ջարդոն
- Շոկոլադ
- Հրուշակեղեն

2016 թվականին Հայաստանի Հանրապետություն Իրանի Իսլամական Հանրապետությունից ներմուծված առավելագույն մաքսային արժեք ունեցող ապրանքներն են.

- Բնական և հեղուկ գազ
- Էթիլենի պոլիմերներ
- Սուլֆիդներ և բազմասուլֆիդներ
- Նավթ, նավթամթերք
- Հանքային կամ քիմիական պարարատանյութեր
- Կոքս, բիտում
- Երկաթահամահալվածք

## ԱՅԼ ՕԳՏԱԿԱՐ ՀՂՈՒՄՆԵՐ`

[https://www.google.am/url?sa=t&rct=j&q=&esrc=s&source=web&cd=3&cad=rja&uact=8&ved=0ahUKEwiY6uWY-](https://www.google.am/url?sa=t&rct=j&q=&esrc=s&source=web&cd=3&cad=rja&uact=8&ved=0ahUKEwiY6uWY-6bYAhVDApoKHdwDDC8QFggyMAI&url=http%3A%2F%2Fen.mimt.gov.ir%2Fweb_directo)

[6bYAhVDApoKHdwDDC8QFggyMAI&url=http%3A%2F%2Fen.mimt.gov.ir%2Fweb\\_directo](https://www.google.am/url?sa=t&rct=j&q=&esrc=s&source=web&cd=3&cad=rja&uact=8&ved=0ahUKEwiY6uWY-6bYAhVDApoKHdwDDC8QFggyMAI&url=http%3A%2F%2Fen.mimt.gov.ir%2Fweb_directo)  
[ry%2F34779-Foreign-Investment-Promotion-and-Protection-Act-FIPPA.html&usg=AOvVawOMSEoLFNHv3O7iypgi2HOb](https://www.google.am/url?sa=t&rct=j&q=&esrc=s&source=web&cd=3&cad=rja&uact=8&ved=0ahUKEwiY6uWY-6bYAhVDApoKHdwDDC8QFggyMAI&url=http%3A%2F%2Fen.mimt.gov.ir%2Fweb_directo)

*[Օտարերկրյա ներդրումների խթանման և պաշտպանության օրենսդրությունը  
և դրանց իրականացման կանոնակարգումը]*

<http://www.investiniran.ir/en/investmentguide/sevicecenter>

*[ԻԻՀ ներդրումների փոփոխական և տեխնիկական աջակցության կազմակերպություն]*

<https://www.nzte.govt.nz/-/media/NZTE/Downloads/Export-Assistance/Market-guides/Iran-market-guide.pdf>

*[Իրանական շուկայի վերաբերյալ ուղեցույց]*